

續修四庫全書



《續修四庫全書》編纂委員會編

續修四庫全書

上海古籍出版社

據清嘉慶內府抄本影印

欽定
欽定
石渠寶笈
三編
六

〔清〕英和等輯

一〇八〇・子部・藝術類

欽定祕殿珠林三編不分卷 欽定石渠寶笈三編不分卷（欽定石渠寶笈三編圓明園

正大光明藏至靜寄山莊藏二）〔清〕英和等輯……

2415/10

欽定石渠寶笈三編

圓明園正大光明藏

高宗純皇帝御筆

書無逸一軸
癸酉

集錦書畫

郎世寧唐岱沈源合畫幽風圖 一軸

高宗純皇帝御書無逸 一軸

本幅金粟牋本縱一丈四寸橫七尺五寸五分

御筆行楷書無逸篇經文並識
不錄

右周書無逸篇乾隆癸酉孟夏月朔御筆鈐寶二

乾隆御筆所寶惟賢

鑒藏寶璽寶笈三編石渠寶笈所藏

即世寧唐岱沈源合畫幽風圖 一軸

本幅絹本縱一大三寸橫七尺六寸設色畫

幽風詩意款臣即世寧恭畫廬舍鈐印二臣

世寧恭畫臣唐岱恭畫山水鈐印二臣唐岱

恭畫臣沈源恭畫人物鈐印一臣沈源上方

書幽風七月全篇款臣張照敬書鈐印二臣

照瀛海仙班

軸內鈐

高宗純皇帝寶璽乾隆御覽之寶

鑒藏寶璽五寶寶笈三編

欽定石渠寶笈三編

圓明園保合太和藏

皇上御筆

書無逸 一冊 辛酉

書召誥 一冊 壬戌

書唐宋人寒食詩 一冊 壬戌

書程子四箴 一冊 壬戌

平定三省紀畧 一冊 壬戌

茂育揔芬 一冊 甲子

書杜甫秋興八首 一冊 丁卯

明慎用刑說 一冊 丁卯

耕作圖詩 一冊 戊辰

蠶織圖詩 一冊 戊辰

書程子四箴 一冊 戊辰

宗室訓八旗箴 一冊 戊辰

書大寶箴 一冊 戊辰

為君難說 一冊 戊辰

虛受箴 一冊 戊辰

心銘 一冊 戊辰

書無逸 一冊 己巳

勤政論 一冊 辛未

列朝名人書畫

明陳枯畫花卉 一軸

本朝臣工書畫

儀親王書

御製盛京頌 一冊

成親王書

御製勵志詩 一卷

成親王書

御製養心室記 一軸

成親王寫生 一冊

王翬畫仙山樓閣 一軸

王原祁畫山水 一軸

陳元龍書四書 十八軸

朱珪書

御製勤政殿記 一冊

朱珪書

御製勤政箴 一冊

王杰書

高宗純皇帝御製賦得南風之薰詩並圖 一卷

董誥書

御製實心行政說 一冊

董誥書

御製唐寅田家樂十景詩並畫 一冊

董誥書

御製題惲壽平仿倪瓚十萬圖詩並畫 一冊

董誥畫墨莊覽勝 一冊

董誥畫二十四番花信風圖 一冊

戴衢亨畫壽寓同春 二冊

英和書

御製壬戌上元後一日小宴廷臣即席成什並臣

工恭和詩 一冊

黃鉞畫應敘徵豐 一冊

唐岱畫山水 一軸

集錦書畫

珍圖薈映 一冊

緙絲書畫

緙絲

高宗純皇帝御筆四得論 一軸

緙絲

高宗純皇帝御筆四得續論 一軸

御書無逸 一冊

本幅金粟牋本摺裝八幅皆縱三寸七分橫

七寸五分

御筆楷書無逸 經文不錄

辛酉孟秋下澣御筆鈐寶二嘉慶

鑒藏寶璽寶笈三編石渠寶笈所藏

御書召誥 一冊

本幅金粟牋本摺裝六幅皆縱三寸六分橫五寸八分

御筆楷書召誥

經文不錄

嘉慶壬戌春分前一日御筆鈐寶二會心不遠德充符

鑒藏寶璽寶笈三編石渠寶笈所藏

御書唐宋人寒食詩 一冊

本幅金粟牋本摺裝四幅皆縱三寸二分橫七寸七分

御筆楷書並識

遊客趨梁邸朝光入楚臺槐烟乘曉散榆火應春開日帶晴虹上花隨早蝶來雄風乘令節餘吹拂輕埃時鳳城春色晚龍禁早暉通舊火收槐燧餘寒入桂宮鶯啼正隱葉雞

開始開籠藹藹瑤山滿仙歌始樂風

韋承慶

寒食江村路風花高下飛汀烟輕冉冉竹日

淨暉暉田父要皆去隣家開不遠地偏相識

盡雞犬亦忘歸

杜甫

田舍清明日家家出火

遲白衫眠古巷紅索搭高枝紗帶輕難結銅

釵重欲垂新新衣踏盡還似去年時

王建

隴

麥欣欣綠山桃寂寂紅帆邊漁範浪木末酒

旗風信步隨芳草迷途問小童賞心添脚力

呼渡過西東 范成大

唐宋人寒食詩 壬戌仲春御筆鈐寶二嘉慶

鑒藏寶璽寶笈三編石渠寶笈所藏

御書程子四箴 一冊

本幅仿金粟牋本推蓬裝四幅皆縱七寸四分橫六寸四分

御筆楷書程子四箴 全文並識

程子四箴發明宣聖四勿之精微足為後世為學之心法君臨天下尤應尋繹探討謹小慎微凡娛目悅耳發號臨幸諸事必察理於先斯無悔於後初雖強勉久則出處語嘿自然從容中

道程子所謂習與性成矣予雖不敏請事斯語嘉慶壬戌仲夏御識鈐寶二嘉慶御筆藝與道兼

朱珪恭跋

臣聞克己復禮仁也其切要之目則在視聽言動視聽言為耳目口之官動則該乎意與身矣程子四箴發明最為體要是入聖之門而為已治心之學也我

皇上御書於冊。而又推其義於君臨天下之法。蓋

體仁足以長人。而視遠惟明。聽德惟聰。惟口出好興戎。德惟一動罔不吉。皆古帝王傳心之要旨也。視則兼乎色與玩好矣。聽則兼乎聲音與出納五言矣。言則兼乎俞咈與渙號矣。動則兼乎興作與臨蒞矣。而尤在於一心樞機。宥密之間。慎之又慎。敬之又敬。克之於幾。復之於獨省。以一心與

天相應。與臣民相見。則非禮者無由伺吾之間。而入之。夫然後所視所聽所言所動。嚮明而治。天下無不仰之若日月也。由四勿之勉。而臻四無之安。所謂仁也。

皇上克知灼見。身體力行。臣何由仰贊

聖德。歟。臣朱珪恭跋鈐印一臣珪

鑒藏寶璽寶笈三編石渠寶笈所藏

御筆平定三省紀畧一冊

本幅紙本。摺裝十幅。皆縱六寸七分。橫一尺。御筆楷書。

平定三省紀畧。天生民而樹之君。使司牧之。奚能獨任斯事故。必分命岳牧。教養兆庶。誠能愛民如赤子。民亦敬官如父母。豈有干犯名義之事哉。若不知教養。聽其游惰。及至聚眾搶劫。不得不用兵討捕。其實民則無知妄作。官則不

教而誅良民。被賊屠戮。固深憐憫。即惟法之賊。亦不知所犯。豈非官失於教乎。官既不教。民則有奸詭之徒。創立邪教。幻稱彌勒。名踵白蓮。飲錢惑眾。治病燒香。妄談禍福。因果愚民。被其煽誘。醜類既眾。遂思蠢動。到處鼓惑。並未易衣冠立國號。不過意圖剽掠子女財帛。非有謀為不軌叛逆之心。遂於丙辰年辰月起於楚地。又延陝蜀永突狼奔蜂屯。蟻聚焚殺。擄掠無所不為。

雖命將出師練圍集勇奈旋翦脩起東勝西逃
勢如燎原卒難撲救朕夙夜焦愁廣詢博
採集議而行虛衷延納賴經畧額勒登保參贊
德楞泰忠勇清貞盡力籌辦行間諸將士効命
疆場不避險阻而三省諸良民誼切同仇知方
有勇追奔逐北於茲叢寒暑饑餒艱苦備嘗經
七年之久事始告成擒獲著名首逆百餘人積
惡頭目數百人掃除脅從二十餘萬衆悔罪投

首者亦有數萬而陣亡之將士以及被害之黎
庶更不可以數計嗚呼痛哉予受璽臨軒適逢
斯患實予不德所致然揆厥所由總因大法而
小不廉上行而下不效視官階為利藪不恤國
計民生惟思保位謀利苟且因循遷延疲玩守
牧既如此處心積慮又何能體察小民之疾苦
自然視同秦越矣任吏胥作奸犯科錙銖較量
以致衆怨沸騰激而生變官逼民反之語信非

謬也幸邀

天恩

考佑三省寧謐萬民復安予益凜

天命難謫民罔可畏治益求治安益求安兢業為懷
以期衆姓咸登衽席永為盛世之良民語云經
正則庶民興是在賢守牧實心愛民有為有守
除暴安良道德齊禮庶幾可望太平仰酬我

皇考六十年治世之苦衷於萬一若有剝削小民重

利忘義或自顧爵位狗庇劣員或自肥身家凌
虐黔首朕必執法重懲決不姑恕若有政聲卓
越善蹟彰著之良吏朕必破格錄用立加榮錫
咨爾內外臣工贊襄國治公爾忘私國爾忘家
上下交儆用聳我國家億萬載無疆之慶是予
之至願也嘉慶七年歲次壬戌嘉平月之下澣
御筆鈐寶二嘉慶御筆澄神靜慮
鑒藏寶璽寶笈三編石渠寶笈所藏

御筆茂育穗芬 一冊

本幅紙本 摺裝四幅 皆縱二寸七分 橫五寸五分

御筆楷書

林茂山逾秀 波平溪益清 水村進小艇 佳妙逐步更飛廊 接曲院 設松風 鳴靜觀 物華暢底景 欣蒼生 高柳舒密蔭 中庭翠幄成 花發護郁氣 鳥呀間關聲 對景漫怡悅 民事獨鍾情 寰宇

至廣大 黽勉思持盈 芳姿標卉譜 獨冠百花先 芍藥品難並 魏姚名夙傳 含風輕漾綺 映月淡籠烟 五色輝爭燦 雙頰艷倍鮮 洛陽種富麗 金谷態便娟 生意多繁茂 韶華首夏延 甲子季春御筆 鈴寶二 嘉慶御筆 萬有同春

鑒藏寶璽 寶笈三編 石渠寶笈所藏

御書杜甫秋興八首 一冊

本幅金粟牋本 摺裝十幅 皆縱二寸五分 橫四寸九分

御筆楷書杜甫秋興八首

詩已並識

唐杜甫秋興詩八首 丁卯季夏伏日 御筆 鈴寶 二 會心不遠 德充符

鑒藏寶璽 寶笈三編 石渠寶笈所藏

御筆明慎用刑說 一冊

本幅紙本 摺裝八幅 皆縱五寸三分 橫一尺五分

御筆楷書

明慎用刑說 道德齊禮聖王垂教之本意也
齊之以刑聖王不得已之苦心也代天子民者
君也為人君止於仁止之義蓋言一切用人行
政除暴去殘皆仁心所流露也君為衆父億兆

皆吾赤子豈不欲其生而必欲置之絕地哉誠
以良莠不同千名備義作奸犯科之徒非刑不
能齊之耳而用刑之大旨不外乎明慎明者知
其事之原委察其情之真偽兩造既備虛衷聽
斷如日之光不遺幽暗犯法者甘心認罪受害
者了無嗔怨此明之功效也慎者胞與為懷豈
可任其殘賊哀矜勿喜一死不能復生一字無
虛始可定案片言不實勿厭重推總欲吾心毫

無疑實則情真法協如衡之平焉有輕重倒置
此慎之功效也我朝立法至為詳備凡一罪因
必經數次覆勘始定爰書在官者皆得預議至
於情實重犯尚候勾到有一綫可寬者改入可
緩視前代設鎮撫司習用非刑草菅人命者真
天淵之隔矣人心日流日下犯法者多案牘紛
繁詐偽百出問刑有司憚於聽訟漸至潦草隨
意不能虛衷延納反覆推求遂令奸詭者滿網

懦弱者罹罪健訟者逞刁覆盆者難雪皆不能
明慎之所致也朝審為恤刑大典誠兼聽並觀
盡美盡善之良法在京則大學士九卿科道在
直省則督撫藩臬司道公同會議雖古之明目
達聰何以踰此哉奈奉行已久視為泛常旅進
旅退無聲無臭覲顏謂毫無冤抑罪當情真間
有一二敢言之臣以從緩改實加重辦理為認
真益增秋肅之氣反失春生之旨所謂北轅適

越相去益遠矣夫明生於公公則無私無私始
能明慎由於勤勤則不怠不怠斯能慎嗚呼凡
百有位皆以明慎為用公勤為體庶幾辟以止
辟以馴至於刑期無刑鼓太和之元氣臻斯世
於大同遇可言之時行有為之績予一人實有
厚望焉丁卯仲冬中澣御筆鈐寶二嘉慶御筆
筆正心正

鑒藏寶璽寶笈三編石渠寶笈所藏

御筆耕作圖詩 一冊

本幅紙本招裝十二幅皆縱四寸七分橫一
尺二寸四分

御筆楷書

題耕作圖 浸種青陽序肇始兆底力田疇藏
種筠籠貯隔年堅粟收清香滿盆盎佳實浸汀
洲三日秧鍼起從茲東作脩耕綠畦新水活
穡務始於耕雖藉烏犍力先勞赤足行泥翻畝
畝闢波漾淺深盈舉趾土膏動化機地底萌
耙耨深耕繼易耨次第紀田功人踏微波面牛
牽積淖中短蓑難障雨破笠不遮風水陸皆宜
用胼胝南北同 秒方春農事接扶秒下深渠
蕩滌溪泥細疏通地氣舒策牛田父急驅犢牧
童徐沒膝涉淖底期深淖除碌碌耨秒序
咸度方施碌碌平勻泥依軌直旋軸濺波清器
本隨宜制功由運掌成樞機轉不息磊塊漫牽

紫布秧田畦既平治嘉種布芳津埂堰沿溪
直陂塘漾水勻涉波盈百頃播穀趁三春稠密
無行列移栽待候循初秧布種盈畦吟授時
春已深溶溶透穀面簇簇茁秧鉞浥雨根滋隴
含風香滿潯老翁閉策杖茂對足娛心於陰
土化沿周禮鳩鳴序不淆農家無暇豫地脈有
肥磽刈草良苗茂灑灰短杓拋滋生先納垢至
理味銜茅拔秧韶華度九十節物近清和柔

毯鋪青甸新秧滿綠波移根透積淖拔穎出圓
渦越隴蒔南畝連塍荷擔多插秧好雨潤阡
陌蒔秧首夏時隔堤摩力作終畝共忘疲疎密
排成列縱橫務合宜佇欣千頃遍嘉穎漾清漪
一耘良苗初發候狼莠必先除耘治勿留稗
芟夷以漸鋤分畦潄陳草隔隴注清渠豐茂底
符願含颺蕤蕤舒二耘再耘近炎暑揮汗敢
辭勞日炙畦波潯風來陌樹高開襟扇頻颺饋

餉婦親操寄語治民吏堂餐忍澁叨三耘去
疾莫如盡三耘始絕根伛僂遍爬扶穗蒙望滋
蕃人事戒疎懶天工協潤暄安良先斷莠治理
念常存灌溉水利通溝洫田功茂育加桔槔
沅響逸穉極漾芬賒隔堰波翻影盈峙浪疊花
踏歌忘力倦柳外日西斜收刈耕春繼耘夏
勤苦逮深秋農務三時接嘉禾千畝收腰鎌刈
畦畔背負度堤頭遺穗兒童拾連塍晚稼稠

登場萬寶布成熟登場慶老農充盈皆玉粒堆
積若崇墉勞力甫田獲慰心稔歲逢所欣免債
負百室樂熙雍持穗年康徧堆積曝曬趁秋
晴鋪穗如茵厚碾場若掌平連枷擊便結分粒
擇華英恍見豐亨象沿村打稻聲春雄民力
真艱苦農功無暇時曉春依破壁夜碓隔疎籬
顧協田禾熟心知節序移索綯亟乘屋已近禦
寒期麗杵白事差畢仍須用竹麗精華益珍